

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), a u skladu sa Programom utroška budžetskih sredstava u 2017. godini, usvojenim Zaključkom Vlade Zeničko-dobojskog kantona, broj: 02-14-10103/17 od 03.07.2017. godine, na prijedlog Ministarstva za privredu, Vlada Zeničko-dobojskog kantona, na 104. sjednici, održanoj 27.07.2017. godine, d o n o s i

ZAKLJUČAK

I.

Daje se saglasnost na Uputstvo o postupku i kriterijima za odobravanje i dodjelu sredstava poticaja namijenjenih subvencioniranju povećanja iskorištavanja kapaciteta u ugostiteljskim objektima iz skupine “druge vrste objekata za smještaj”, ”ugostiteljske usluge u domaćinstvu” i ”ugostiteljski objekti u seoskom domaćinstvu” i podsticanje turizma u seoskim domaćinstvima, koje čini sastavni dio ovog Zaključka.

II.

Za realizaciju poticaja iz tačke I. zadužuje se Ministarstvo za privredu, koje će donijeti sve provedbene akte i imenovati Komisiju za provođenje propisanog postupka.

III.

Zaključak stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-10987/17.

Datum, 27.07.2017. godine

Zenica

PREMIJER

Miralem Galijašević

DOSTAVLJENO:

1x Ministarstvo za privredu,

1x Ministarstvo finansija,

1x „Službene novine Zeničko-dobojskog kantona“,

1x a/a.



**UPUTSTVO
O POSTUPKU I KRITERIJIMA
ZA ODOBRAVANJE I DODJELU SREDSTAVA POTICAJA NAMJENJENIH
SUBVENCIONIRANJU POVEĆANJA ISKORIŠTAVANJA KAPACITETA
U UGOSTITELJSKIM OBJEKTIMA IZ SKUPINE “DRUGE VRSTE OBJEKATA ZA
SMJEŠTAJ”, “UGOSTITELJSKE USLUGE U DOMAĆINSTVU” I “UGOSTITELJSKI
OBJEKTI U SEOSKOM DOMAĆINSTVU” I PODSTICANJU TURIZMA U SEOSKIM
DOMAĆINSTVIMA**

Zenica, juli 2017. godine

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), ministar Ministarstva za privredu Zeničko-dobojskog kantona, uz saglasnost Vlade Zeničko-dobojskog kantona, donosi:

**UPUTSTVO
O POSTUPKU I KRITERIJIMA
ZA ODOBRAVANJE I DODJELU SREDSTAVA POTICAJA NAMJENJENIH
SUBVENCIONIRANJU POVEĆANJA ISKORIŠTAVANJA KAPACITETA
U UGOSTITELJSKIM OBJEKTIMA IZ SKUPINE “DRUGE VRSTE OBJEKATA ZA
SMJEŠTAJ”, “UGOSTITELJSKE USLUGE U DOMAĆINSTVU” I “UGOSTITELJSKI
OBJEKTI U SEOSKOM DOMAĆINSTVU” I PODSTICANJU TURIZMA U SEOSKIM
DOMAĆINSTVIMA**

1. UVOD

Prema zvaničnim statističkim podacima udio broja turista i turističkih noćenja evidentiranih u Zeničko - dobojskom kantonu tokom posljednjih par godina bilježi blagi rast.

Na području Kantona je registrovano oko 1313 registrovano privrednih subjekata (pravne osobe i obrtnici) koji se bave ugostiteljstvom i turizmom.

Obzirom na geografsku poziciju Kantona, posebno uzevši blizinu centara kao što su Sarajevo, Tuzla, Travnik i Doboje, te da kroz teritoriju Kantona prolaze najznačajnije komunikacije u Federaciji Bosne i Hercegovine, efekti od turizma su izuzetno skromni.

Na ovaj način se može zaključiti da su i svi drugi efekti od turizma nezadovoljavajući.

Identificirani problem, nedovoljnog iskorištavanja raspoloživih kapaciteta, produkuje izuzetno niske finansijske efekte privrednih subjekata u turističkoj djelatnosti. To je posljedica niza subjektivnih i objektivnih okolnosti.

Bitno je istaći da se aktivnost u mnogim subjektima iz ove oblasti svodi uglavnom, na organizaciju turističkih putovanja izvan Zemlje i Kantona, tako da su oni više prevoznici i turistički agenti privrednih subjekata izvan Bosne i Hercegovine. Na ovaj način turistički potencijali u Kantonu ostaju neiskorišteni.

U ovakvoj situaciji neki subjekti pribjegavaju nezakonitom poslovanju, što još više usložnjava stanje u ovoj oblasti.

2. IZVORI I NAMJENA POTICAJNIH SREDSTAVA

Sredstva za subvencioniranje povećanja iskorištavanja kapaciteta u ugostiteljskim objektima iz skupine “druge vrste objekata za smještaj”, ”ugostiteljske usluge u domaćinstvu” i ”ugostiteljski objekti u seoskom domaćinstvu” i podsticanje turizma u seoskim domaćinstvima (etno-sela i sl.), na području Zeničko - dobojskog kantona, obezbjeđuju se iz Budžeta Zeničko - dobojskog kantona za svaku godinu, a planiraju se Programom utroška sredstava u Ministarstvu za privredu, te odgovarajućim odlukama Vlade Kantona, kojima se uređuju izdvajanja i transferi prema korisnicima.

Radi obavještanja potencijalnih korisnika o mogućnostima dobivanja sredstava poticaja, Odluke Vlade Kantona objavljuju se u “Službenim novinama Zeničko-dobojskog kantona” i sredstvima javnog informisanja, u formi Javnog poziva za dodjelu poticaja, te na oficijelnoj web stranici Vlade Kantona.

Na kraju budžetske godine Ministarstvo će izvijestiti Vladu i Skupštinu Zeničko-dobojskog kantona o realizaciji poticaja.

U cilju povećanja stepena iskorištenja smještajnih kapaciteta u ugostiteljskim objektima iz skupine “druge vrste objekata za smještaj”, ”ugostiteljske usluge u domaćinstvu” i ”ugostiteljski objekti u seoskom domaćinstvu” kao i podsticanja turizma u seoskim domaćinstvima, te zbog niza drugih sinergetskih efekata, Vlada Kantona će organizatorima (ugostiteljskim objektima iz skupine “druge

vrste objekata za smještaj”, ”ugostiteljske usluge u domaćinstvu” i ”ugostiteljski objekti u seoskom domaćinstvu” i turističkim agencijama) subvencionirati dio troškova za smještaj i boravak turističkih grupa u smještajnim objektima na području Zeničko - dobojskog kantona, počev od 01.01.2017. godine, a seoskim domaćinstvima dodijeliti jednokratna sredstva ukoliko ispunjavaju uslove propisane ovim Uputstvom.

3. KORISNICI POTICAJA, TURISTIČKA GRUPA, SMJEŠTAJ I BORAVAK

Korisnici poticaja, u duhu ovog Uputstva, su privredni subjekti iz Zeničko - dobojskog kantona - turističke agencije i ugostiteljski objekti iz skupine ”druge vrste objekata za smještaj”, ”ugostiteljske usluge u domaćinstvu” i ”ugostiteljski objekti u seoskom domaćinstvu”, registrovani za obavljanje djelatnosti smještaja i pružanja ugostiteljskih usluga turističkim grupama, na području Zeničko-dobojskog kantona.

Skupinu ”druge vrste objekata za smještaj” čine sljedeće vrste ugostiteljskih objekata za smještaj: sobe za iznajmljivanje, apartman, studio apartman, kuća za odmor, prenočište, odmaralište za djecu, hostel, planinarski dom, lovački dom, učenički dom ili studentski dom.

Skupinu ”ugostiteljske usluge u domaćinstvu” čine sljedeće vrste objekata za smještaj: soba u domaćinstvu, apartman u domaćinstvu, studio apartman u domaćinstvu, kuća za odmor u domaćinstvu, kamp u domaćinstvu.

Skupinu ”ugostiteljski objekti u seoskom domaćinstvu” čine sljedeće vrste objekata za smještaj: soba, apartman i kamp.

Pod turističkom grupom, podrazumjeva se grupa od 5 i više lica koja organizirano koristi potpunu uslugu u ugostiteljskom objektu iz skupine ”druge vrste objekata za smještaj”, ”ugostiteljske usluge u domaćinstvu” i ”ugostiteljski objekti u seoskom domaćinstvu”.

Pod smještajem i boravkom turističke grupe, podrazumjeva se dvodnevni smještaj i boravak (dva puna pansiona ili dva polupansiona ili dva noćenja sa doručkom) u jednom objektu, te uredno evidentiran nakon 01.01.2017. godine.

Pod punim pansom podrazumijeva se noćenje sa doručkom, ručkom i večerom, a pod polupansom noćenje sa doručkom i ručkom ili večerom.

Cijena punog pansiona, koja se subvencionira je 50 KM.

Cijena polupansiona, koja se subvencionira je 30 KM.

Cijena noćenja sa doručkom koja se subvencionira je 20 KM.

Jedan korisnik poticaja može koristiti najviše dvije vrste poticaja Ministarstva za privredu u tekućoj budžetskoj godini, ali pod uslovom da ukupno dobijeni iznos ne prelazi 50.000,00 KM.

4. KORISNICI POTICAJA, SEOSKA DOMAĆINSTVA

Korisnici poticaja, u duhu ovog Uputstva, su fizička lica iz Zeničko - dobojskog kantona, registrovana za obavljanje ugostiteljske djelatnosti na području Zeničko-dobojskog kantona u svim vrstama objekata u seljačkom domaćinstvu (etno-sela i sl.).

Vrste objekata u seljačkom domaćinstvu su: vinotočja / kušaonice, izletišta, sobe, apartmani i kampovi.

Pravo na korištenje ovog poticaja, koji se dodjeljuje jednokratno u iznosu od 5.000,00 KM, imaju fizička lica koja su registrovani za obavljanje ugostiteljske djelatnosti i čiji objekat ispunjava minimalne uslove propisane za ugostiteljske objekte koji se ne kategoriziraju, odnosno rješenje nadležnog organa da objekat ispunjava propisane minimalne uslove za određenu kategoriju u seoskom domaćinstvu.

5. IZNOS POTICAJA

Vlada Kantona će korisnicima subvencionirati dio troškova smještaja turističkih grupa preciziranim u tački 3. ovog Postupka i kriterija.

Osnovica za izračunavanje visine poticaja je ukupan trošak boravka turističke grupe, a što se dokazuje dokumentacijom o uredno plaćenju i prijavljenoj usluzi smještaja i boravka turističke grupe.

Visina poticaja je 20% ukupnog iznosa troška boravka turističke grupe po cijeni utvrđenoj u tački 3. ovog Postupka i kriterija.

U slučaju zajedničkog angažmana, 50% poticaja pripada turističkoj agenciji, a 50% ugostiteljskom objektu koji je pružio usluge smještaja, boravka i ishrane, navedenom u tački 3. ovog Postupka i kriterija.

Ukupna visina poticaja po jednom objektu ne može biti veća od 5.000,00 KM godišnje.

Visina poticaja za seosko domaćinstvo (etno-sela i sl.) iznosi 5.000,00 KM i dodjeljuje se jednokratno, znači da je to maksimalni iznos po jednom korisniku.

6. ZAHTJEV ZA ODOBRAVANJE I ISPLATU POTICAJA NAMIJENJENIH POVEĆANJU ISKORIŠTAVANJA KAPACITETA U UGOSTITELJSKIM OBJEKTIMA IZ SKUPINE “DRUGE VRSTE OBJEKATA ZA SMJEŠTAJ”, “UGOSTITELJSKE USLUGE U DOMAĆINSTVU” I “UGOSTITELJSKI OBJEKTI U SEOSKOM DOMAĆINSTVU”

Zahtjev za odobravanje i isplatu poticaja dostavlja se Ministarstvu za privredu. U razmatranje će se uzeti samo zahtjevi koji budu podneseni u roku od 60 dana od dana objavljivanja Javnog poziva.

Uredan Zahtjev sadrži original ili ovjerenu kopiju:

- Odobrenja za obavljanje djelatnosti za fizička lica ili izvod iz sudskog registra za pravna lica,
- Rješenja o kategorizaciji objekta (za objekte koji se kategoriziraju) i/ili ispunjavanju minimalnih uslova (za objekte koji se ne kategoriziraju),
- Dokaz o uredno prijavljenom boravku turističke grupe, odnosno dokaz o uredno izmirenim troškovima boravka turističke grupe,
- Original ili ovjerene kopije Uvjerjenja o uredno izmirenim javnim prihodima (porezi, doprinosi, indirektni porezi) – ne starija od 3 (tri) mjeseca u odnosu na dan podnošenja zahtjeva,
- Original ili ovjerenu kopiju uvjerenja o uredno izmirenim finansijskim obavezama prema Budžetu Zeničko-dobojskog kantona;
- Uvjerjenje Komercijalne banke da je žiro račun subjekta aktivan, ne starije od 3 (tri) mjeseca u odnosu na dan podnošenja zahtjeva.

7. ZAHTJEV ZA ODOBRAVANJE I ISPLATU POTICAJA NAMIJENJENIH PODSTICANJU TURIZMA U SEOSKIM DOMAĆINSTVIMA

Uredan Zahtjev sadrži original ili ovjerenu kopiju:

- Odobrenja za obavljanje ugostiteljske djelatnosti za fizička lica,
- Rješenja o kategorizaciji objekta (za objekte koji se kategoriziraju) i/ili ispunjavanju minimalnih uslova (za objekte koji se ne kategoriziraju),
- Original ili ovjerene kopije Uvjerjenja o uredno izmirenim javnim prihodima (porezi, doprinosi, indirektni porezi) – ne starija od 3 (tri) mjeseca u odnosu na dan podnošenja zahtjeva,
- Uvjerjenje Komercijalne banke da je žiro račun subjekta aktivan, ne starije od 3 (tri) mjeseca u odnosu na dan podnošenja zahtjeva.

8. KOMISIJSKA OCJENA

Komisiju za ocjenu ispunjavanja uvjeta i kriterija za dodjelu sredstava potencijalnim korisnicima poticaja imenuje i razrješava ministar Ministarstva za privredu.

Za svoj rad Komisija odgovara ministru Ministarstva za privredu.

Komisija razmatra Zahtjeve potencijalnih korisnika, te cijeni ispunjavanje uvjeta i kriterija za odobravanje sredstava, a prednost u odobravanju sredstava ima onaj korisnik koji u posljednje tri godine nije koristio poticajna sredstva od strane Ministarstva. Korisnici poticaja Ministarstva u prethodne 3 godine bit će rangirani zavisno od visine dobijenih poticajnih sredstava.

Izveštaj Komisije dostavlja se ministru Ministarstva za privredu i isti će biti objavljen na web stranici Vlade Kantona.

9. POSTUPAK ODOBRAVANJA

Na osnovu Izveštaja Komisije, Ministarstvo za privredu predlaže Vladi Kantona donošenje Odluke o odobravanju poticajnih sredstava.

Pojedinačne ili zbirnu odluku Vlada donosi shodno raspoloživim sredstvima za tekuću godinu.

Zahtjevi će biti zaprimani u roku od 60 dana, računajući od dana objavljivanja javnog poziva.

Na početku sveke godine Vlada Kantona odlučuje o nastavku dodjele ovih poticaja općenito, shodno projekciji budžetskih rashoda za tekuću godinu, o čemu donosi Zaključak o usvajanju Programa utroška sredstava Ministarstva za privredu.

Na osnovu Odluke o odobravanju sredstava Ministarstvo za privredu podnosi Nalog za isplatu sredstava Ministarstvu finansija ZDK.

10. RANIJE VAŽEĆI AKTI, KRITERIJI I POSTUPCI

Ovim aktom stavljaju se van snage i prestaju vrijediti svi raniji akti kojima su propisivani prethodno važeći kriteriji i postupci te utvrđivane nadležnosti u odobravanju i realizaciji ovog Vladinog programa poticaja.

MINISTAR

Zlatko Jelić dipl.oec.